

La Lia Mostra d'Ert prejënta Il proiet Q

Ai 24.07.2021 dala 20.30 (sce l ie bur' tëmp ai 31.07.2021 dala 20.30)

Plaza "San Durich" a Urtijëi te Gherdëina

Ntreda debant y cun Green Pass

The Q Project

"The Q Project" ie na grupa de mujiga nueva, che ie unida metuda su te Gherdëina tl 2020 coche hommage ala band de mujiga rock ngleija "Queen". La idea ti ie unida al bass-chitarist Tobias Dellago, n gran fan di Queen, che à teu su chësta scumenciadiva de na band che se da ju mé cun cianties de chësta grupa, do che l ie unit ora l film "Bohemian Rhapsody" y per l cumplì di cincant'ani de chësta grupa storica (nasciuda dl 1970 a Londra).

La particolarità de "The Q Project" ie, che duc i musicisc ie de Gherdëina y che à bele na gran esperienza tl ciamp dla mujiga y de se presenté sun paladina. La band "The Q Project" ie metuda adum da nuef cumëmbri:

Jenni Perathoner – lead singer

Stefan Demetz – second singer & guitar

Tobias Dellago – bass guitar

Günther Demetz – e-guitar

Simon Rabanser – piano & keyboard

Samuel Walpoth – drums

Carmen Pancheri – choir

Nicol Senoner – choir

Renate Senoner – choir

La ciantarina prinzipela Jenni Perathoner ie acumpanieda te n valguna cianties da Stefan Demetz, che ie te cërta cianties l solist, o che cianta pea l duett. Dassenn mpurtantes ie nce la ujes dl chor, na carateristica di "Queen" che ie l elemënt che desfrenzieia l ton originel dla band cunesciuda ngleija. A uni cumëmber dla band ti veniel dat mpurtanza, davia che l repertoire desvalif cuer pec de rock, tlassica, "ballate" y hymnes de stadio. Nscila iel enc per uni spetadëur si sort de mujiga de preferenza leprò.

La "TQP" band ne cëla nia de nterpreté da nuef la cianties origineles, ma ulëssa plucheauter tres l suné y cianté dl cover, ti scinché respet ala lijenda de mujiga di "Queen". La nuvità dl proiet ie dessegur che la ciantarina prinzipela, che cun Freddy Mercury fova na icona dl rock masculina, ie da "The Q Project", cun Jenni Perathoner, n ëila. L emozion dla mujiga ti vè l plu daujin puscibl a la maniera de suné live di "Queen", che se desfrenzieia scialdi da chëla de n studio.

Ai 24 de juli festejea la band „The Q Project" si debut cun n cunzert de premiere sun la pitla plaza San Durich a Urtijëi te Gherdëina. La band se ncunforta, do n grumon de proes, de pudei tres si prim cunzert dan publich desmustré si talent slargià ora te plu stii y si pascion per la cianties cunesciudes y amedes da truepsc.



Lia Mostra d'Ert - Circolo
Plaza S. Antonio 102

I - 39046 Ortisei (BZ)

Tel. 377-5936350

info@circolo.eu

THE Q PROJECT

Simon Rabanser

Media & PR

Facebook: @TheQProject.valgardena

Instagram: @the.queen.project

YouTube: The Q Project - Val Gardena